

Տեղեկատվություն

ՀՀ Շիրակի մարզի առողջապահության ոլորտի վերաբերյալ

ՀՀ Շիրակի մարզպետարանի ենթակայությամբ գործում են թվով 32 առողջապահական կազմակերպություններ, որոնցից 10-ը իրականացնում են հիվանդանոցային ծառայություններ, 19-ը ամբուլատոր պոլիկլինիկական: Մարզում գործում է նաև արյան փոխներարկման կայան, շտապ բուժական օգնության կայան, պաթոլոգոանատոմիական լաբորատորիա:

Մարզպետարանի ենթակայությամբ գործող բուժաստատություններում ծավալված է 576 մահճակալ:

2019 թվականի փետրվարի դրությամբ մարզի բուժաստատություններին տրամադրված պետական պատվերի բյուջեն կազմել է 4.521.194.0 հազ.դրամ, սեպտեմբերին կատարված վերահաշվարկից հետո կազմել է 4.807.279.4 հազ.դրամ, ինչը 2018 թվականի բյուջեի համեմատությամբ 900 մլն դրամով ավելի է /3.938.135.6 հազ.դրամ/:

2019 թվականի դեկտեմբերի 1-ի դրությամբ վճարովի ծառայությունների դիմաց ստացված եկամուտների գումարը կազմել է 922106.7 հազ.դրամ, 2018 թվականի նույն ժամանակահատվածում կազմել է 802626.5 /ավելացել է 119480.2 հազ.դրամ /:

2019 թվականի նոյեմբերի 20-ի դրությամբ մարզի բժշկական կազմակերպությունների դեբիտորական պարտքը կազմում է 75218.6 հազ.դրամ, իսկ կրեդիտորական պարտքը՝ 364488.1 հազ.դրամ: 2018 թվականի նույն ժամանակահատվածի համեմատությամբ կրեդիտորական պարտքը նվազել է 60721.5 հազ.դրամով:

Բժշկական օգնությունը և սպասարկումը պատշաճ իրականացնելու նպատակով կազմակերպել է ՀՀ առողջապահության նախարարության կողմից կենտրոնացված կարգով, ինչպես նաև մարդասիրական օգնության ճանապարհով ձեռք բերված և մարզին հատկացված դեղորայքի ստացումը, բաշխումը մարզի բուժաստատություններին:

Նույն նպատակով կազմակերպվել է ՀՀ առողջապահության նախարարությունից պետության կողմից երաշխավորված անվճար կամ արտոնյալ բժշկական օգնության ու սպասարկման ուղեգրերի, ծննդօգնության պետական հավաստագրերի, երեխայի առողջության

պետական հավաստագրերի, երեխայի առողջության անձնագրերի և անաշխատունակության թերթիկների ստացումը և բաշխումը մարզի բուժհաստատություններին:

Մարզի բժշկական հաստատություններին են ներկայացվել ՀՀ կառավարության որոշումները, ՀՀ առողջապահության նախարարի հրամանները և այլ իրավական ակտերի նախագծեր: Կազմակերպվել են առողջապահության ոլորտին առնչվող օրենսդրական և իրավական ակտերի պահանջների վերաբերյալ քննարկումներ բժշկական հաստատությունների տնօրենների հետ:

Մարզի ազգաբնակչության համար բժշկական օգնությունը և սպասարկումն առավել հասանելի և մատչելի դարձնելու համար ՀՀ Շիրակի մարզպետարանի ենթակայությամբ գործող բժշկական հաստատություններում կազմակերպվել են «բաց դռների օրեր»:

2019 թվականի ընթացքում Վանաձոր «ԱՍԱԲ» առողջարանի ուղեգիր է տրամադրվել մարզի 15 հաշմանդամի: 18 երեխայի տրամադրվել է «Ջերմուկ-Արարատ» առողջարանի ուղեգիր:

Ուսումնասիրել, վերլուծել և համապատասխան ընթացք ենք տվել քաղաքացիներից ստացված մոտ 180 դիմումի:

ՀՀ քաղաքացի չհանդիսացող, սակայն ՀՀ-ում փաստացի բնակվող 37 քաղաքացու տրամադրվել է ուղեգիր ծննդօգնության հետ կապված ծառայությունները պետական պատվերի շրջանակում ստանալու նպատակով:

Հաշվի առնելով մարզի միջին բուժանձնակազմի սոցիալական վիճակը Մ. Հերացու անվան բժշկական համալսարանի հետբուհական շարունակական մասնագիտական զարգացման բաժնի հետ համատեղ կազմակերպվել է թվով 400 միջին բուժաշխատողի արտագնա վերապատրաստում:

ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ում կազմակերպվել է թվով 160 ընտանեկան բժշկի, մանկաբույժի և թերապևտի էլեկտրոնային առողջապահական համակարգի վերաբերյալ դասընթացներ:

Մասնակցել ենք մարզպետի կողմից տեղական ինքնակառավարման մարմինների լիազորությունների նկատմամբ իրականացվող իրավական և մասնագիտական հսկողությանը:

Ընթացքի մեջ են ՀՀ կառավարության 2019 թվականի հոկտեմբերի 10-ի «Հայաստանի Հանրապետության կառավարության 2006 թվականի նոյեմբերի 2-ի թիվ 1911-Ն որոշման մեջ

լրացումներ և փոփոխություններ կատարելու մասին թիվ 1425 – Ն» որոշման պահանջների համաձայն «Գյումրու ինֆեկցիոն-հակատուբերկուլոզային հիվանդանոց» ՓԲԸ-ի հակատուբերկուլոզային բաժանմունքի փակման աշխատանքները:

Սոցիալական ոլորտ

2019 թվականի ընթացքում սոցիալական ապահովութեան բաժինը իրականացրել է պետական նպաստների տրամադրման վերաբերյալ հաշվետվությունների վերլուծություն: Ամփոփվել է սոցիալական աջակցության տարածքային գործակալություններում ընտանիքների անապահովության գնահատման համակարգի տեղեկատվական բազայում հաշվառված և հարակից 14 բազաներում գրանցված անձանց տվյալների համադրման արդյունում կազմված ցուցակների կիրառման վերաբերյալ ամփոփ տեղեկատվությունը:

2019 թվականի դրությամբ մարզում ընտանիքների անապահովության գնահատման համակարգում 13499 ընտանիք ընդգրկվել է նպաստառու ընտանիքների ցուցակում: Վերլուծել և տարածքային կառավարման և ենթակառուցվածքների և աշխատանքի և սոցիալական հարցերի նախարարություններ ենք տրամադրել 2018 թվականի ընթացքում ավել վճարված նպաստների հետգանձումների վերաբերյալ տեղեկատվությունները:

Մարզի զբաղվածության տարածքային կենտրոններում հաշվառված թվով 15988 աշխատանք փնտրող և 11886 գործազուրկից տարվա ընթացքում աշխատանքի է տեղավորվել 1502 մարդ:

Նշված ժամանակահատվածում թվով 364 անձ օգտվել է ԽՍՀՄ խնայբանկում մինչև 1993թ. ներդրված ավանդների դիմաց փոխհատուցման տրամադրման ծրագրից:

Համակարգել ենք հաշմանդամություն ունեցող անձանց սոցիալական ներառման, ծերացման հետևանքների հաղթահարման և տարեցների սոցիալական պաշտպանության ռազմավարության և այլ ծրագրերով նախատեսված աշխատանքները: Մասնակցել ենք տարածքային մակարդակում կնքված սոցիալական համագործակցության համաձայնագրի համաձայն ձևավորված Գյումրու համայնքապետարանի Գյումրի 1 և Գյումրի 2 սոցիալական աջակցության տարածքային բաժինների համակարգող խորհուրդների աշխատանքներին: Համակարգել ենք զբաղվածության կարգավորման ամենամյա պետական ծրագրերի

շրջանակներում իրականացված «Վարձատրվող հասարակական աշխատանքների կազմակերպման միջոցով գործազուրկների ժամանակավոր զբաղվածության ապահովման» ծրագիրը, արդյունքում մարզի 7 համայնքում (12 բնակավայր) իրականացվել է 14 ծրագիր: Ծրագրերում ընդգրկվել է 97 գործազուրկ: Վարձատրվող հասարակական աշխատանքների իրականացման արդյունքում ապահովվել է ծրագրում ընդգրկված մարզի գործազուրկների ժամանակավոր զբաղվածությունը: Զբաղվածության աջակցության պետական ծրագրերի շրջանակներում աջակցել և համակարգել ենք անասնապահությամբ զբաղվող նպաստառու ընտանիքների ընտրության գործընթացը: Սոցիալական պաշտպանության բնագավառում մարզի թվով 10 համայնքներում մասնակցել ենք մարզպետի կողմից իրականացվող վարչական վերահսկողության աշխատանքներին: Աջակցել ենք մարզի համայնքներում բնակվող բնակարանի կարիք ունեցող փախստական ընտանիքների ցուցակների կազմման աշխատանքներին: Ուսումնասիրել, վերլուծել և համապատասխան ընթացք ենք տվել քաղաքացիներից ստացված մոտ 2500 դիմումի: Մասնակցել ենք Արտակարգ իրավիճակների նախարարության և Շիրակի մարզային փրկարարական վարչության կողմից կազմակերպված հրամանատարային և ուսումնաշտաբային վարժանքներին: Մասնակցել ենք ինչպես մարզպետարանում, այնպես էլ հանրապետական գործադիր մարմինների, տեղական ինքնակառավարման մարմինների, հասարակական կազմակերպությունների կողմից կազմակերպված սեմինարների, քննարկումների, խորհրդակցությունների: